

बच्चन के ले बाइबिल
देत है



दुबारा जिन्दा
होन वाली
लड़िकिनी



द्वारा लिखत: Edward Hughes

द्वारा चित्र: Janie Forest
Alastair Paterson

द्वारा अनुकूल: Ruth Klassen

द्वारा अनुवाद करो गयो:

द्वारा बनाओ: Bible for Children
www.M1914.org

©2022 Bible for Children, Inc.

लाइसेंस: तुमई जा कहानी को पात्रिका या छापन को अधिकार है,
जब तक तुम जाई बेचत नाइ हो।



याईर एकु यहूदी धार्मिक अगुआ हतो जो परमेश्वर की पूजा कत्ति हतो अउरु दूसरेन कौ परमेश्वर के वचन कौ सिखाउति हतो। एक दिन, एक भयानक मुसीबति याईर के घरइ आयी। सिर्फ बारह साल

की उमरि की, बाकी बिटिया, बीमार हुइ गयी। कोई बाकी मदति नाइ करि पाओ। वाइ गम्भीर बीमार हती याईर कौ मालूम हतो, कि बाकी बिटिया मत्ति हइ।



केवल एक आदमी याईर की बिटिया की मदत करि सकति हतो।
याईर यीशु कौ ढूँढन के लै अउरु उसइ अपने घरइ बुलाउन के लै
निकरि परो। याईर कौ शायद जा मालूम हती कि बाके धर्म के दोस्त
यीशु कौ स्वीकार नाइ कत्ते। लेकिन याईर
ने बाकी परवाहि नाइ करी।



बउ अपनी बिटिया की
मउत से पहिलेइ
जल्दअइ मदत
चांहति हतो।



याईर ने यीशु कौ
लोगन से घिरो देखो।



वउ यीशु के पांइन
पर गिरि गओ।
निराश हुइके बाने
दुआ करी “मेरी
छोटी बिटिया मन्न
बाली हइ।”
“मेहरबानी करिके
चलउ अउरु मेरी
बिटिया के ऊपर
अपनो हाँथु धरउ तब
वा ठीक हुइ जइही,
अउरु जी जइही।”





यीशु याईर के संग गै।
लेकिन वइ भारी भीड़ के
मारे जल्दी हुआं से निकरि
नाइ पाए। एक अउरत,
बारह साल से बहुत
बीमार हती बाने सब
डॉक्टरन से दवाई कराइ
अउरु बाने सब पइसा
खर्चा करि दै लेकिन कोई
मदति नाइ मिली। बाह,
वह यीशु कौ देखिबो
चांहति हती।





बिचारी एक अउरत का कत्ती? बा मन मा बुदबुदाति भइ कहि रही हती, “अगर हम बाके केवल कपड़ा कौ छुइ लिहीं तउ ठीक हुइ जइहीं।” वा यीशु घांइ कौ आगे बढी। फिरि, अपने हाथ का बढाउत भै, बाने यीशु के कपड़ा कौ छुइ लौ।





एक चमत्कार! एक चमत्कार!
अउरत ठीक हुइ गयी हती। पूरी
तरह से! तुरंतइ! बाने जान लइ
कि वह अच्छी अउरु ठीक हुइ
चुकी हती। लेकिन फिर एक
आवाज आयी “किन्ने हमइ
छुओ?” यीशु ने सोची भीड़ ने
उसइ छुओ हइ। लेकिन जो
अउरत ठीक हुई गइ हती वह
जान्ति हती कि उनइ जाके बारे
मा बतइबो चहिँए। डरात
डरात, बाने उनइ अपनो पूरो
किस्सा सुनाओ।



तभंइ, यार्इर के घर से बाके नउकर आये। शायद बोलन से पहिले उनके चेहरन ने उनकी दुखीली कहानी बयान करि दइ हती। “तुमारी बिटिया मरि गई हइ!” उन्ने यार्इर कौ बताई। मरि चुकी हती! अब बहुत देर हुइ चुकी हती। शायद, अगर जा अउरत इन

बातन मा देर ना कत्ती तउ... शायद,

बिटिया बचि जाती... यार्इर की चंहीती छोटी लड़िकिनी मरि गई हती। जब यीशु ने जा सुनी, उसने

जवाबु दओ, “डरउ मति, केवल विश्वासु करउ, और बा चंगी हुई जइही।” वास्तव मा बा बखत यार्इर कौ यीशु पर विश्वासु करिबो कित्तो मुश्किल हतो। बाकी बिटिया मरि गयी हती।



घर मा, हरि कोई रोओ अउरु लड़िकिनी के लै शोकु मनाओ। यीशु ने उन से कही “वा मरी नाइ, लेकिन सोउति हइ।” वइ उन पर हँसत हते वइ जान्त हते कि अब वा लड़िकिनी मरि चुकी हइ।



यीशु ने उन सब कौ बाहिरार पठइ दौ, अपने हाथ से लड़िकिनी कौ उठाओ अउरु कही, “छोटी बिटिया उठउ।” याईर हुआं हतो। वाकी दुलहिनउ होनइ हती। 'यीशु के तीन चेला होनइ हते। वइ सब यीशु की बातइं सुन्त हते। का छोटी लड़िकिनी ने उनकी बातइं भी, सुनी हुई?



वा मरी लड़िकिनी ने
यीश को हुकुम सुनो!
बाकी आत्मा लउटि
आयी, अउरु वा
तुरंतइ उठि गयी।
यीशु ने मरे भैन मइ
से बाई जिआओ।



लड़िकिनी के अम्मा बाप कौ बहुतु अचम्भो भौ। यीशु ने उनसे कही लड़िकिनी कौ कुछु खान कौ देउ वइ कित्ते खुशी भै हुइई; वइ यीशु के कित्ते आभारी हते। बाके अनोखे प्रेम अउऊ शक्ति से उनकी बिटिया वापिस जी गई हती।



दुबारा जिन्दा होंन वाली लड़िकिनी
परमेश्वर के वचन से बाइबिल की एक कहानी
में पायी जाती है

मरकुस ५, लूका ८

“तुमहोर शब्द के प्रवेश से रोशनी मिलत है।”

भजन ११९:१३०



समाप्त



जो बाइबिल काहानी हमई हमारे अद्भुत परमेश्वर के बारे माँ बताउती जिनने हमई बनाओ और जो तुमोह उन्हेई जानो।

परमेश्वर जान्त है हमने बुरे काम करे हैं, जिहने वे पाप कहात हैं। पाप की सजा मृत्यु है, लेकिन परमेश्वर प्रेम करते हैं जिन्ने अपनों इक लौतों पुत्र यीशु को भेज दौ, क्रूस पर मरन के लें तुम्हारे पापों के लें दण्डित भये। फिर येसु जीवन मां वापस आई गये और स्वर्ग के घर मां चले गये! अगर तुम यीशु पर विस्वास करत हउ और अपने पापों की छमा मागन के लें उनसे पूछत हो, तो वह ऐसो करी! वो अइ और वोह तुम्हारे संग रही और तुम हमेशा उसके संग जीवित रहीओ।

अगर तुम्हे लगत हइ की जा सच हई तौ जा परमेश्वर से कहः
प्यारे यीशु, हमे विश्वास हइ की तुम इश्वर हो और हमारे पापों के लें मरन बाले ब्यक्ति बनी गये हो और अब फिरसे जी उठे हो। कृपया हमारे जीवन म आई के हमारे पापों को छमा कर देओ। ताकि हमारो जीवन नओ हुई सके।
और एक दिन तुम्हारे संग हमेशा के लें बने रहे। हमें आज्ञाकारी बनन के लें और तुम्हारी संतान बनन केलिए मदत करो।

बाइबिल पढ़े और हर एक दिन परमेश्वरी से बातें कराओ! यूहना ३:१६

